

COMUNICATO n. 2523 del 17/09/2025

Untagelekk 1,5 mildjü euro vor di drai djar 2026-2028. Ma mage inngem di vorsch áhevante von 22 herbestmånat vort in 112 kamöünder

Helvan z'zala in zis von haüsar in di lentar auz ar a bege, 'z izta dar auzschraibung

[Cimbro] An schütz sin atz 3.000 euro atz djar, vor drai djar, vor di famildje boda zornìrn zo giana zo leba in ummadar von 112 kamöünder bodase vennen auz ar a bege un hintargedjunkht. Ditzä machta auz dar näüge provedimént ágenump atz 12 von herbestmånat vodar provintziàl Djunta, dar provedimént iz khent vorgelekk von asesör vorz haus Simone Marchiori, 'z soinda asó khent untargelekk in gántzan 1,5 mildjü euro vor di drai djar 2026-2028 (500tausankh euro atz djar).

“Pitt disarn hilfe – hatta khött dar Marchiori – böllbar auhaltn in konkrèt di famildje boda zornìrn zo giana zo leba in di lentar mearar auz ar a bege haltantese asó lente un gelebet. Ditzä lekk panándar di hilfe in famildje un da gelaichege zait haltet au di lentar o, 'z zil iz daz sèll zo geba mearar vèrt in kamöüschaftn un sicharn azza mang gian vür in di djar boda khemmen”.

Azpe ma hatt sa khött da obar, dar provedimént lekk vür an djaregen schütz sin atz 3.000 euro boda mage khemmen no augeheft aztada bartn soin di konditzionen.

'Z khemmenda vürgelekk ándre 250 euro azta alle di sèlln vodar famildja soin djung (untar di 40 djar) odor azta 'z par iz djung, 500 euro azta di famildja hatt vil khindar (daz mindarste drai), 500 euro azta azta in famildja izta a mentsch bohintart daz mindarste vor in 75%, 500 euro azta di ICEF vor an öffentlesche quartìaro pittnan zis boma mage auhaltn iz nèt mearar baz 0,41.

Ditzä gèlt Mage khemmen gelekk panándar lai sin zo dekha in gántz zis von djar.

Bia innzogeba in vorsch

Di vorsch bartn mang khemmen inngètt áhevante von 22 von herbestmånat 2025 sin in månat von snitt 2026 garade in lânt Ámt (Toalkamòu/Kamòu vo Tria) von lânt bodase vinnt dar quartìaro, legante panándar in kontràtt von zis von haus.

Zo maga hãm in schütz iztada mångl azta di famildja nemm in vonsitz in an quartìaro in umman von sèlln klamöünder zbisnen in 13 von herbestmånat 2025 un in 31 kristmånat 2026. Dar kontràtt mocht innhaltn daz mindarste drai djar (pitt vornaügarung o) un soin inngeschribet regolàr. 'Z mangda inngem in vorsch di belesan un européan pürgar un di pürgar vo auz Europa boda hãm di briavan boda sicharn ke da mang lem da vor lãnga zait odor daz mindarste vor zboa djar azza hãm an arbat. Ma mage nèt ávorsan in schütz azma sa hatt a haus soi slebart odor azma hatt in usufrutto.

Dar auzschraibung un allz daz sèll boda iz zo bizza mangmaz venne afte web sait

<https://www.provincia.tn.it/Servizi/Servizi-offerti-da-altri-enti/Sostegno-al-pagamento-dei-canoni-di-locazion>

Dise di kamöünder inngevãnk

Da soin 112 di kamöünder in gántz Trentino:

Albiano, Altavalle, Amblar-Don, Andalo, Avio, Bedollo, Bieno, Bleggio Superiore, Bocenago, Bondone, Borgo Chiese, Borgo d'Anaunia, Borgo Lares, Brentonico, Bresimo, Caderzone Terme, Caldes, Campitello di Fassa, Campodenno, Canal San Bovo, Canazei, Capriana, Carisolo, Carzano, Castel Condino, Castello Tesino, Castello-Molina di Fiemme, Cavedago, Cavedine, Cavizzana, Cimone, Cinte Tesino, Cis, Commezzadura, Contà, Dambel, Dimaro Folgarida, Drena, Fai della Paganella, Fiavè, Fierozzo, Folgaria, Fornace, Frassilongo, Garniga Terme, Giustino, Grigno, Imer, Lavarone, Ledro, Livo, Lona-Lases, **Luserna**, Massimeno, Mazzin, Mezzana, Mezzano, Moena, Molveno, Nomi, Novella, Ospedaletto, Ossana, Palù del Fersina, Panchià, Peio, Pellizzano, Pelugo, Pieve di Bono-Prezzo, Pieve Tesino, Pinzolo, Porte di Rendena, Predazzo, Primiero San Martino di Castrozza, Rabbi, Romeno, Ronchi Valsugana, Ronzo-Chienis, Ronzone, Ruffrè-Mendola, Rumo, Sagron Mis, Samone, San Giovanni di Fassa-Sèn Jan, San Lorenzo Dorsino, Sant'Orsola Terme, Sanzeno, Scurelle, Segonzano, Sella Giudicarie, Sfruz, Soraga di Fassa, Sover, Spiazzo, Sporminore, Stenico, Storo, Strembo, Telve, Telve di Sopra, Tenno, Terragnolo, Ton, Torcegno, Trambileno, Tre Ville, Valdaone, Valfloriana, Vallarsa, Vermiglio, Vignola-Falesina e Ville di Fiemme.

Übersetzt von Schaltarle vor di zung von Toalkamou vodar Zimbar Hoachebene

(cdt)